



**Liber Officialis Seu Agendorum Pastoralium S. Trevirensis
Ecclesiæ**

Johann Hugo <Trier, Erzbischof>

Mogvntiæ, 1688

Formula professionis fidei idiomate latino

[urn:nbn:de:hbz:466:1-75322](https://nbn-resolving.de/urn:nbn:de:hbz:466:1-75322)

Finitâ concione, altâ voce recitet è libro Evangeliorum germanicam orationem pro communi Ecclesiæ necessitate: Allmächtiger Ewiger Gott ic. vel Confessionem generalem: Ich armer sündiger Mensch ic. si velit, poterit illam orationem festivis, confessionem verò dominicis diebus recitare, ne utrâque simul, molestia populo creetur. Finitâ eâ: Misereatur vestri omnipotens &c. Indulgentiam absolutionem & remissionem &c. Post quæ omnia jejunia, festa, matrimonia & si quæ alia (non tamen facile res deperditas, aut eleemosynas) proclamabit. Tempore quo cantus subjungi solet, subjungatur.

PROFESSIONE FIDEI CATHOLICÆ,
quam juxta Concilii Trident. dispositionem
omnes quos Ecclesiis superioribus præfici, & animarum curam ha-
bentibus provideri contingit, facere debent, quæ ut præstanta pa-
rochis, sic in suscipiendis Sacellaniſ & Ludi-magistris, & qui ab er-
rone ad gremium Ecclesiæ revertuntur, subservire poterit.

FORMULA PROFESSIONIS FIDEI
à Pio IV. Pontif. Max. præscripta.

EGO N. firmâ fide credo & profiteor omnia &
singula, quæ continentur in symbolo fidei, quo
sancta Romana Ecclesia utitur, videlicet: Credo
in unum Deum patrem omnipotentem, factorem
cœli & terræ, visibilium omnium & invisibilium, &
in unum Dominum nostrum Jesum Christum,
filium Dei unigenitum: & ex patre natum an-
te omnia sœcula, Deum de Deo, lumen de lumine,
Deum verum de Deo vero, genitum non factum
consubstantiale patri, per quem omnia facta
sunt,

sunt, qui propter nos homines, & propter nostram salutem descendit de cœlis : & incarnatus est de Spiritu sancto ex Maria Virgine, & homo factus est, crucifixus etiam pro nobis sub Pontio Pilato, passus & sepultus est. Et surrexit tertią die secundūm scripturas, & ascendit in cœlum, sedet ad dexteram patris. & iterum venturus est cum gloria judicare vivos & mortuos : cuius regni non erit finis. & in Spiritum sanctum Dominum, & vivificantem : qui ex patre filioque procedit ; qui cum patre & filio simul adoratur, & conglorificatur: qui locutus est per Prophetas, & unam sanctam Catholicam, & Apostolicam Ecclesiam; confiteor unum Baptisma in remissionem peccatorum : & exspecto resurrectionem mortuorum : & vitam venturi sæculi, Amen.

Apostolicas & Ecclesiasticas traditiones, reliquiasque ejusdem observationes, & constitutiones firmissimè admitto, & amplector.

Item sacram Scripturam, juxta eum sensum; quem tenuit & tenet sancta mater Ecclesia, cuius est judicare de vero sensu, & interpretatione sacra- rum Scripturarum, admitto: nec eam unquam, nisi juxta unanimem consensum patrum, accipiam & interpretabor.

Prositeor quoque septem esse, verè & propriè

B b b 3

Sacra-

Sacramenta novæ legis, à Jesu Christo Domino nostro instituta, atque ad salutem humani generis, licet non omnia singulis necessaria; scilicet Baptismum, Confirmationem, Eucharistiam, Pœnitentiam, Extremam Unctionem, Ordinem, & Matrimonium: illaque gratiam conferre: & ex his Baptismum, Confirmationem & Ordinem sine sacrilegio iterari non posse.

Receptos quoque & approbatos Ecclesiæ Catholicæ ritus in supradictorum omnium Sacramentorum solenni administratione, recipio & admitto.

Omnia & singula, quæ de peccato originali, & de justificatione in sacrosancta Tridentina Synodo definita, & declarata fuerunt, amplector & recipio.

Profiteor pariter in Missa offerri Deo, verum, proprium, & propitiatorium sacrificium pro vivis & defunctis, atque in sanctissimo Eucharistia Sacramento esse verè, realiter & substantialiter corpus & sanguinem, unà cum anima & divinitate Domini nostri Jesu Christi; fierique conversionem totius substantiæ panis in corpus, & totius substantiæ vini in sanguinem: quam conversionem Catholica Ecclesia transubstantiationem appellat.

Fateor etiam sub altera tantum specie, totum
atque

atque integrum Christum, verumque Sacramen-
tum sumi. Constanter teneo, purgatorium esse, a-
nimasque ibi detentas fidelium suffragiis juvari.

Similiter & Sanctos unà cum Christo regnan-
tes, venerandos atque invocandos esse, eosque ora-
tiones Deo pro nobis offerre, atque eorum reliquias
esse venerandas.

Firmiter assero imagines Christi ac Deiparæ
semper Virginis, nec non aliorum Sanctorum ha-
bendas & retinendas esse; atque eis debitum hono-
rem, & venerationem impertiendam.

Indulgentiarum etiam potestatem à Christo in
Ecclesia relictam fuisse, illarumque usum Chri-
stiano populo, maximè salutarem esse affirmo.

Sanctam Catholicam, & Apostolicam Roma-
nam Ecclesiam, omnium Ecclesiarum matrem, &
magistrum agnosco, Romanoque Pontifici beati
Petri Apostolorum principis successori, ac Iesu
Christi Vicario, veram obedientiam spondeo, ac
juro.

Cætera item omnia à sacris canonibus, & oecu-
menicis conciliis, ac præcipue à sacro sancta Tri-
dentina Synodo tradita, definita & declarata, in-
dubitanter recipio atque profiteor: simulque con-
traria omnia atque hæreses quascunque ab Eccle-
sia damnatas, rejectas, & anathematizatas, ego pa-
riter

riter damno, rejicio & anathematizo. Hanc veram Catholicam fidem, extra quam nemo salvus esse potest; quam in præsenti sponte profiteor, & veraciter teneo; eandem integrum & immaculatam, usque ad extremum vitæ spiritum constantissime (Deo adjuvante) retinere & confiteri; atque a meis subsitis, seu illis quorum cura ad me in meo munere spectabit, teneri, doceri, & prædicari, quantum in me erit curaturum; ego idem N. spondeo, voveo, ac juro, sic me Deus adjuvet, & haec sancta Dei Evangelia.

Ioan. 1. In principio erat Verbum & Verbum erat apud Deum, & Deus erat Verbum : hoc erat in principio apud Deum, &c.

Folget die obgesetzte Bekandtnuß des Catholischen Glaubens zu Deutsch.

Sch N. glaub und bekenne mit beständigem Herken/ alle und jede Stück/ so im Christlichen Glauben/ den die H. Römische Kirch auff diese Weiß gebrauchet/ verfasset seynd. Hemblich: Ich glaub in einen Gott/ Mutter den Allmächtigen/ Schöpffer des Himmels und der Erden/ aller sichtbahren und unsichtbaren Dingen. Und in einen Herrn Jesum Christum/ den Eingebohrnen